



**LUUSIP ILITAA**

# LUUSIP ILITAA



TITIRAQTAA

**Jamaesie Fournier**

TITIRAUJAQTAA

**Olivia Chislett**

Published by Arvaaq Press Inc.

Design and layout copyright © 2025 Government of Nunavut  
Text copyright © 2025 Government of Nunavut  
Illustrations by Olivia Chislett © 2025 Government of Nunavut

Printed in Canada.

ISBN: 978-1-77450-879-4



Ubluq atauhiq, Luusi Ataattianilu aijauliqtuk iqalliahimagamik.

Luusi piqpagijaa qajaqturiamini ataattianinilu. Aullaaraaqhutik amihunik takuuqtuk. Ataattiap Luusi unipkaarutijaa qanuq idjuhigaluanga "taimani" inuuhuktuubluni.







“Uunaq!” Luusi uqaallaktuq. “Uunaraaluk!”

Ataattiaq qungujuktuq tikkuaqhuni inukhungnut. “Ukiuqtaqtuq callannguqpalliajuq, in’ngutaaq! Hiku mahangnariqpaliqtuq taimanimit. Hikuilruningnariqhuni upin’ngaami!”


“Taimaniraaluk.” Ataattiaq uqaallaktuq. “Mikkautillunga – iliktut—imaa inngitut! Ataattiarma iqalliarutivaktaangalu, itqaumajaralu...”

"Qinmiarjuga nakhaliqpaktara  
iqalliarangapta!" Ataattiaq  
uqaqliqtuq. "Kihimi qaajurnatqijaaq  
taimani. Ukiurnariqpaktuq  
imaalu aujaq naittuni!" Ataattiaq  
aniqhaummiqtuq. 'Hii, Taimani  
aallangagaluqtuq, In'ngutaaq."

Luusi aliahukpaktuq tuhaagiamigit  
ataattiap unipkaangit







Ahiittauq, Luusip itqaqtaa ilhaijiata ilhautijait taaffumuuna taivagaat "Hilaqauhiata aallannguqtirnia."

Hilaqauhiata aallannguqtirnia imaa hila aallannguqtiqaktuq amihuni ukiuni. Luusi ihumajuq ataattiap unipkaanginnik qanurlu hila qaajurnatqijaunginnaqtuq "Taimani," Una hilaqauhiata aallannguqtirnianguvaa?

"Hilainnaunngittuq qaajurnaijaqtuq." Luusip ilhaijiata uqaqhimajuq. "Nuna tariurlu uunnaktigtullu." Taijaa una "Nunarjuap uunnakpallianinga."




Luusip ilihaijata uqautijait qanuqtuq inuit  
ikummautiqariaqaqtut annaumajaamingni—taimaa niqinik  
nirigiaptingni.

Uqaqutuq taapkua akhaluutit, sikiittuut qajallu,  
ikummautiqariaqaqtullu. Niqinik niringgittutik  
ikumautiqaqaktut uqhurjuakhanik. Kaasiliq  
uqhurjuakhaujuq sikiittuut qajallu atuqpagaat.

Imaalu ukuat uqhurjuakhat nunarjuaq  
uunnakpaliapkaqpagaa imaalu hilaqauhiata  
aallannguqtirnia ingattaqtittugu.








Akhaluutivut ikumagaangamik uqhurjuakhaq ikualaaqhugu, taimaa pujurlup publaliuqhugu.

Pujurlup publait imaa nakuunngittuq pujuq nutqangainnaqtuq hilami taimaa hila unnnagjuumijuq. Taimaa nunarjuap unnnakpalliajuummiqhuni, hilaqauhiata aallanguqtirijuq.

Hilaqauhiata aallanguqtirniaq hila unnnaktidjuumijaa, kihimi hilalu aallatut pipkaliraalu. Imaatut, hilalukturjuaqhugu.






Luusi uqaqtuq ataattiamut, "Ilihaqpaktaqut una iliharvingmi! Hilaa uunnagjuummiqhuni taimanimit—uqaqtaqtut ilvit.

Luusip unniutijaa ataattiaq ilihaijingmi ilihautijaanik. ataattiaq ihumagijaa taamna. Ihumajuk pulaariaqqaatak Maakuusi, ataattiap ilannatuqaa.

Maakuusip qikiqtaanut tikinnamik takujaak Maakuusi havaktuq igluralaamini qinminilu, Solomon!





“Qanuritpit, Maakuusi?” Ataattiaq  
apirijaa. “Qanuritpali?”

“Ilaa, Unniutilagit” uqaqtuq Maakuusi,  
“Upin’ngaaq ajurnaqtuq.”

“Uu” uqaqtuq ataattiaq, “Qanurinmat?”

“Ilaa, angunahuariami ajurnaqtuq  
utuqqamut Solomon-mut uvamnullu.”  
Maakuusi kahaktaa qinmimi niaqua.  
‘Upin’ngaaq hiku mahangnariqtuq imaalu  
ukiuq tamaat qajummaktuq!”



“Takkuuk,” uqaqtuq Maakuusi, “Upin’ngaami hiku mahangnariqhuni, aullaariami nakuunngittuq... IMAALU qajangnaqhibluni. Taimaa, niuvvagiaqattarnahijuq.”

“Taima havaakhariakhijuguk Solomonlu!” Maakuusi iglaqtuq. “Ajai! Igluralaaqqut hanajaqqut hamani taimaa niuvvagiaqattarnaittumik!”




“Ilaa,” uqaqtuq ataattiaq, “Luusi uqautijaanga hilaqauhiata aallannguqtirniagut imaalu qaajurnairjuummijuq taimanimit.” Luusi qungujuktuq.


“Ahu taimaa hiku tammaqtuq?” Luusi uqarmijuq.

“Ilaa, ihi!” Maakuusi angiqtuq. “Ilaali, taimaa Solomonlu uvaguk iliuraliqtavuk hiqinikkut ikummaqutit”

Luusi haluqhinnami apiqhijuq, “Qanuq hiqinikkut ikummaqutit ilauva hilaqauhiata aallannguqtirnianut?”







Ilaa, Maakuusi uqaliqtuq, “Hiqinikkut ikummaqutit Ikummautaujuq hiqinirmit.”

“Nauttiatut?” Luusi apiqhijuq.

“Ihi’ taimaa,” uqaqtuq Maakuusi. “Nauttiatut. Hilaptingnit pijuuq. Taimaa Solomonlu atuqtaqquk ikummautiqariangat igluralaaqquk – qulliitut!”

Maakuusi qungujuktuq.

“Uqhurjuakhaqtuqhimaittumik, atuqtaaqutugut imaa hiqinirmit halumajumik ikummautiqariaptingni pujurlungnik puvlaktirihimaittumik. Nakuutqijaq.”







“Halumatqijaaq Ikummautit imaa hilaqauhiata aallanguqtirnia mikkijuumirlugu. Imaalu hilaqauhiata aallanguqtirnia imaitturlu Solomonlu havalluarunaittuguk!” Solomon qiluktuq Maakuusi iglahiktuq. “Ubluraaluk hiqinnaaqtuqarialik.”

“Nauttiatut!” Luusi quviahukhuni huqulajuq tamarmik iglaqtut.

Ubluummat Luusi aigami, hila mut ittuaqtuq ihumaliqhuni aallakut halumajumik ikumautiqaqtaariakha ikajurlugu Ukiuqtaqtumi nunallaani.

*Taimaa.*





# HULILUKAARUTIKHAIT ILIHAIJIT

**Ihuqhaqatigilugu Ikummaqutiniq Luusi** LUUSIP ILITAA

**Hiku Mahaktigtug unalu Tariup Uliiternia** LUUSIP ILITAA

ITQUNARUT

ITQUNARUT

Talligut Nuu qittigut

Nuu nuumut qittigut

**Uunarnirmik aniaqtallinia Hikulimi** LUUSIP ILITAA

Isuunniq	Uunagut A	Uunagut B
Uunarnirmik		
Amagutit 10 unuu		
Amagutit 20 unuu		
Amagutit 30 unuu		

Talligut Nuu qittigut

**Luusip Ajuiqtao Tainiqhuquni** LUUSIP ILITAA

H	A	B	I	D	W	B	E	E	O	N	O
L	M	K	U	L	K	O	D	K	E	X	
L	W	E	A	T	A	K	A	N	M		
A	L	E	S	O	D	O	A	K	A	H	O
O	N	N	I	W	A	A	C	L	E	F	O
A	Q	U	U	U	U	U	U	U	U	U	U
T	F	S	E	S	E	M	E	O	U		
A	N	E	T	A	N	O	M	A	A	A	A
A	D	E	W	A	K	I	E	F	E	R	
L	U	W	A	K	I	E	F	E	R		
A	L	L	O	U	U	U	U	U	U	U	U
A	S	Z	H	X	V	U	M	A	C	A	C
N	L	L	M	W	E	A	K	I	E	F	E
L	U	W	A	K	I	E	F	E	R		
G	T	O	A	F	A	M	O	F	F	L	E
O	T	G	U	U	U	U	U	U	U	U	U
I	D	O	Z	Y	O	W	A	M	K	I	E
T	F	U	M	A	K	I	E	F	E	R	
I	N	U	U	U	U	U	U	U	U	U	U
W	N	U	U	U	U	U	U	U	U	U	U
A	N	O	U	U	U	U	U	U	U	U	U

**Luusip Ikummutiqarvia** LUUSIP ILITAA

Talligut Nuu qittigut



# UUNARNIRMIK ANIAQTAILINIA HIKULIMI

## ILIHAUTIP TAKUURUTAA

Ilihaqtut naunaiqhiniarniaqtut aktuutaa pujurluup publait Nunarjuap uunarnia. Uvani tiguqhaqtaaqtaait uukturaq, ilihaqtut takuniaqtaat qanuqtut publait avatiptingni aniaqtailivagaa uunarniq. Qanurituujaakhaik uunarnia iluani hikuliap uvunga uunarnia hilataani hikuliap, ikajukkit kangiqhijaangita qanuqtut pujurluup publait aallanguqtittaaqtaaa uunarnia.

## APIQHUUTAUKHAT

Qanuqtut pujurluup publait aktuutivakpat uunarnianut Nuarjuap?


## LEARNING CONNECTION

Una hulilukaarut pipkaniaqtait ilihaqtut uukturlugit hunaliqaat taiguaqtaqtik uvani *Luusip Ajuiqtaa* Qaujimanialugu uunarniata aallatqiinit iluani hilataanilu hikuliap, ilihaqtut qaujimalirniaqtut qanuqtut pujurluup publait, unatut pujurluk (uqhurjuanit), aniaqtailivagaa uunarniq Nunarjuap aniqhaangnaqautaa. Naunaiqhainiaqtut qanuqtut inuup hulidjutainit, ukuatut sikiituuqhutik qajaqtuqhutiglu, aallanguqtuutauvaktut nunap uunarnianut ukuninnga atuqhutik uqhurjuakhanik.

Uunarnirmik aniaqtailinia Hikulimi **LUUSIP ILITAA**

Ikaarniq	Uunaqhiut A	Uunaqhiut B
Ukturahigarniq		
Aniguqat 10 minits		
Aniguqat 20 minits		
Aniguqat 30 minits		

Titirangurlugu piksaakha uukturaq uuma ataani.



## AJUIGHATAMINGNIK HULILUKAARUTIT

- Tiguqhaqtaaqtaat uukturaq
- Hulilukaarutit titirait
- Ilihaqatigiit uqarilugu pujurluup publait

## ATUQTAKHANGIT

- Uunarnirmik aniaqtailinia
- Malruuk uunaqhiutik
- Titiraut
- Hikuliaq matulik (aallkkut: igalarilaaq nipittaaqtumik aturlutik matuittunut)
- Ubluqhiut ikaarniqhiuluunniit

## QANURILIURUTIT

1. Qaritaujamit pilugu titirangurlugulu Uunarnirmik Aniaqtailinia Hikuliamit hulilukaarut titirait arvaaq.com-mit. Naamalugit ilihaqtunut aadjiliurlugit.
2. Ihuaqharlugit uunaqhiutik Atauhiq titirarlugit “uunaqhiut A-mik aippaattauq “uunaqhiut B-mik”
3. Ililugik tamangnik uunaqhiutik qaumaniup mikhaanut haatilugu narlunganirmi pinghuni minits-ni.



- Aniguqqat pinghut minits, takuurlugu uunarnia tamangni uunaqhiutimi titirarlugik uunarniak ikaarngingalu titirarvikharmi. Una tun'ngakhaa uunarniata tamangningni uunaqhiutingni, qanuridjuhiik uvattiagu naunaijarniaqqaqhi.
- Qajagilutit iligguuk uunaqhiut A iluanut hikuliap. Matuttiarlugu imaalu tarrarmiitittailugu uunaqhiut kituliqaak.
- Aniguqqat 10, 20, 30 mimints, titoratrlugit uunaqhiutingani takunnatuk tamangni uunaqhiutingni titirarlugik titirarvingnut.
- Qanuridjuhiit uqarilugit takujatik. Qanuqtut uunaqhiutinga iluani hikuliap aalauva uunaqhiutiup hilataaniittumit hikuliap? uqarilugit huuq uunaqhiutinga iluani hikuliap uunatqijauva. Apirilugit ilihaqtut huuq ihumavat taimaimmat imaalu qanuq una uukturaq takunnaqtuq uunarnirmik aniaqtailinia uvani hulijaakhaa.

## QANURILIURMAT?

Uunaqhiutinga hilataani hikuliap aktuumajuq hilaptingnut taimaa aallanguqtiqattaqtaa uunaqhiutip uunarmiup niglaumaniublu katitkamik. Iluani hikuliap, aniqhaarut aniavikhaittuq imaalu niglaumanirmut kahalmaitaa. Taimaa aniqhaarut iluani hikuliap uunnagjuumiinnaqtuq hiqinnaarviugami.

Imaa aadjikkutaa uumunga uunarnirmik aniaqtailinia Nunarjuami. Pujurluup publait aniaqtailijaa nunarjuap aniqhaangnaqautaanut, taimaa Nunarjuaq uunnagjuumijuq, aadjikkutaa hikuliami anialimaittuq uunarniq iluaniittuq.

# HIKU MAHAKTIQTUQ UNALU TARIUP ULITIRNIA

## ILIHAUTIP TAKUURUTAA

Una uukturaq ikajuutauniaqtuq ilihaqtut naunaiqhaijaangita aktuuhiaqut imaup hiku mahaktitumut. Inirrumikku hiluluqaarut, nutaqqat takuuqhimaniaqtaat hiku imarmi mahaktititurnia uumannga aalautqijaq hiku nunamiittumit.

## APIQHUUTAUKHAT

Qanuqtut hiku mahaktiqqa nunami imaalu imarmi, qanurlu aktuutauva imaqqutuhia tamangni taapkunangni?

## ILIHAUTIMUT AKTUANIA

Uvani hulilukaarunmi, ilihaqtut takuniaqtut qanuqtut hiku mahaktiqpaktuq aallatqiujuq nunami imarmilu. Una atadjujuq *Luusip Ajuiqtaa*-nut, talvani Luusip ataattianga uqarijaa qanuqtut hiku Ukiuqtaqtumi mahaktititqutuluqtuq ukiuq tamaat. Mahaktititqutuluqtuq hiku nunamit tariuq immaqtitipagaa avatqutittugu. Imaa ilihaqtut kangiqhipkaqpagaat qanuq mahaktititqutuluqtuq hiku atajuq nunarjuap uunnakpallianinga imaalu hilaqauhiata aallanguqtirnianut. Hiku mahaktiqhuni, aktuutivaktuq avatitpingnut, taimaa inuuhiq Ukiuqtaqtumi ajurnaahipkaqhugu qajangnaahipkaqhugulu.

**Hiku Mahaktitqutuluqtuq Tariup Ulitirnia** **LUUSIP ILITAA**

ITQUNIARUT  
Titirarlugu titirarlugilu uukturaq

Tahiqtuq hiku qattauq	Hiku nunamit qattauq
-----------------------	----------------------



## **AJUIQHATAMINGNIK HULILUKAARUTIT**

- Tiguqhaqtaaqtaat uukturaq
- Hulilukaarutit titirait
- Ilihaqatigiit uqarilugu humi hikummik takuttaaqut

## **ATUQTAKHANGIT**

- Malruuk palasitiik puukhak
- Hikuliuqhimajut
- Imaq
- Ubluqhiut ubluqhiut nutqatitautilik
- Hiku Mahakpaktuq imaa tariuq imaqtirutaujuq hulilukaarutit titiraq
- Titiraut

## **QANURILIURUTIT**

1. Qaritaujamit piligu Hiku Mahaktiqtuq unalu tariuq imaqqutihivia hulilukaarut titiraq uvannga arvaaq.com-mit. Aadjiliurlugit naamalugit ilihaqtunut.
2. Qiqittiriirlutit malruungnik hikuliurutingnik. Hikuliutatit aktilaangit idjuhiillu aadjikkiiktukhat taimaa uukturutit naammagiama.
3. Upalungaijarlugit qattaujakhait. Titirarlugu hivulliq qattaujaq “Hiku tikhiqtuq” imaalu tiglig qattaujaq “Hiku Nunamit.”

4. Tatallugu hivulliq qattaujaq qitqanut imarmik iglum iluani uunarnia aadjikkuhirlugu.
5. Piliqtinatit. Apirilugit ilihaqtut qanuriniarunaqqa ihumajaakhait. Aturlugit ukua apiqhuutit:
  - Huniarunaqhiva ihumavit imaqquqtunia uvani Hiku Tikhiqtuq qattaujami mahakkumi?
  - Huniarunaqhiva ihumavit imaqquqtunia uvani Hiku Nunamit qattaujarmi hiku mahakkumi?
6. Titiraujaqulugit ilihaqtut Ihumagijamingnik huniaruhiagut talvunga hulilukaarut titirarmuit.
7. Ililugit qulit hikuliuqtat hivullirmut qattaujarmut imalingmut. Ililugit qulit hikuliuqtatit tuglirmut qattaujamut, imaqqanngitumut.
8. Ubluqhiut ihuaqhilugu nutqatitauluniit. Qun’ngiarlugik tamangnik qattaujak 15 minits aniguraangat hiku mahaktirniik tamangnik qattaujangni.
9. Qanurittaakhaik uqarilugit idjuhingik. Takuniaraanganik hikut mahaktiriakhait. Uqarilugit hiku imarmi qajumitqijauhiagut mahaktirami. Takuluguttuq mahaktiruhia hikuliuqtat qattaujami imaqaqtumi imaalu hikuliuqtat imaqqanngitumi qattaujami.

## **QANURILIURMAT?**

Hiku mahakpaktuq uunnagaangami imannguqpaktuq. Hiku uunarnirmiitkumi imaluunniit imarmunngaraangat, uunarnirmit mahaktilirmat. Imaq nakuutqijaq hilami uunarniq imaalu nuutiqhugu uunarnia, taimaa hiku mahaktitqijaujuq imarmi hilamiinnaunngitumit. Imaalu ittuq algaijaraangat uunnaktinariqtaaqtuk imarmi algaijaijaqqat taimaanginnaq uunakhirnirmit imarmiunngittumik.



# LUUSIP AJUIQTAA TAINIQHIUQHUNI

## ILIHAUTIP TAKUURUTAA


Una hulilukaarut ilihaqtunik pipkai niaqait ilihaqtut uukturiamingni ilitarniaqhugit tainiit imaalu taigurianingit ikajuqhugu Luusi qiniqhiajuq tainilluanik. Una hulilukaarut ilihaqtut taigujukhivalliagiangita, kihimilu ajuiqhautiblugin ikpingnarnia avatiptigit tainiit ihuarutaujut hilaqauhiata aallannguqtirnia qanuriliuqtaujaami.

## HULILUKAAQTINNAGIT

Apirilugit ilihaqtut hunanik itqaumajaakhaita taiguarmit *Luusip Ajuiqtaa*. Takupkarlugit tainiit titiraqhimajut qinirniatatik titirarmi qiniqhiaavikhami. Taiqqarlugit tamaita tainiit apirilugillu ilihaqtut taigaangapkit taijakhailu. Taimaa ikajuutaujuq ilihimaliriangita tainikhanik.

## QANURILIURUTIT

1. Qaritaujamit piligu titirangurlugulu *Luusip Ajuiqtaa* qinirniatatik titirarmi hulilukaarut titiraq uvannga arvaaq.com-mit. Aadjiliurlugit naamalugit ilihaqtunut.
2. Titirautikhaqhiutillugit ilihaqtut, ivitaarutilu, ungalalaitut titirarutit, qaumajurlu titirautit.
3. Ajuiqhautilugit nutaqqat qanuqtut qiniqhiajaakhaita tainirnik



tainiqhiurvingmi. Nukaqhiit ilihaqtut ikajuqtiqariaqarunaqtut taiguriangita tainiit imaaluunniit paqittijaangita tainirnik iviqtitaaami. Ikajurlugit ikajuqtiqariaqaqtut.

4. Unniutilugit tainiit hivumuuqtaaqutut kingumuuqtaaqutullu imaalu qunmuurlutik anmuurlutiglunniit. Takupkarlugit qiniqhiaavikhami qanurittaahaa tainiq.
5. Qiniqhiaqulugillu aallanik tainirnik ukunatatut titiraqaqtunik (Q, X, J, unaluunniit Z) imaaluunniit (malruuk F)
6. Tainiit paqitqaangamigit, unniutilugit avataigut titirlugit, titirlugit, qaumajumut titiraunmut titirlugiluunniit.
7. Avatagut titiqata, tiliurlugit ilihaqtut tainiq titirlugu taimaa naunaiqhimajaamingni kitut paqitariiqtaait.

# LUUSIP IKUMMAUTIQARVIA

## ILIHAUTIP TAKUURUTAA


Uvani hulilukaarut pipkarniaqtait ilihaqtut aadjikkiiktirlugit aallatqiiit ikummautit taapkununga atuqpauhiigut nunallaarni. Aadjikkiiqtiqhugit ikummautit hilajuaptingnut uuktuutit, ilihaqtut kangiqhijuummirniaqtut qanuqtut ukua ikummautit pauvaqautaujut hunanik atuqtaujuunik takujatik avatimingni.

## HULILUKAAQTINNAGIT

Ilihaqtut kangiqhipkarlugit hunaujuq ikummaqautit ilitturipkatinagit aallatqiiinik ikummaqautinik. Ihumaliurutigilraarlugit aallatqiiit ikummaqautit. Itquumapkarlugit uvani *Luusip Ajuiqtaa*. Uukturutaa.

Taiguakhami, Solomon atuqtuq hiqinikkut ikummaqautinik qulliqariami igluralaamini. Hiqinikkut ikummaqautit ikpingnaqtut nunallaanit unghahingniani ikummaqautiqanngilrumi. Unniutilugit hiqinikkut hiqinirmit ikummaqautiqaqtut ikumajaangita alrujaqtuqtut, ikajuutaujut inungnut maniqqamiittuni ikummaqautiqariangat aimaviktik.

Uqarittaaqtahi aallat uukturat taiguagarmit, ukuatut qanuqtut kaasiliq atuqtauvakpa ikummaqautiujut ingniqutinut, sikiituunut, qajarnullu. Imaaluunniit uqautilugit niqit hakugikhautaujut inuit timiinnut. Una ikajuutauniaqtuq ilihaqtut kangiqhijaangita qanuqtut aallatqiiit hakugikhautaujut ubluq tamaat inuujaami.



## QANURILIUURUTIT


1. Qaritaujamit piligu titirangurlugulu Luusip Ikummaqautiit hulilukaarutit titiraq uvannga arvaaq.com-mit. Aadjiliurlugit naamalugit ilihaqtunut.
2. Ilihimalugit ilihaqtut pittaqaqtait ivitaarutaujukhaujut, ukua ivitaat, unghavalait titirautit ukualuunniit titirautit ivitaaqaqtut.
3. Ilihimalugit ilihaqtut ivitaaqtut piksainik hivullirmik.
4. Uqautilugit ilihaqtut aadjikkiiktirilutik aallatqiiinik ikummaqautinik (ukua hiqinirmit, anurimit, paurmit, imarmillu) ukuanut qanuqtut tamaita ikummaqautit atuqtauvaktut nunallaani. Ihumagijakhait qanuqtut taapkua ikummaqautit havakpagiakhait imaalu huuq hunanullu atuqtauvaktut.
5. Unniutilugit ilihaqtut taapkua piksat haumingmi hulilukaarutit titiraup takunnaqtut aallatqiiit ikummaqautit, imaalu piksait taliqpiani takunnaqtut qanuqtut atuqtaujut ikummaqautit.
6. Ilihaqtut titiraqulugit narlungajumik titirlutik taaffuma ikummaqautit haumingmit ihuaqtumut taliqpingmiitunut.
7. Kiutinnagu apiqhuutit ataaniittuq titiraup, uqariqatigilugit ilihaqtut apiqhuutinik. Titirarlugit kiudjutigijait titirarvijuamut ikajuutaujukhat. Titiraqulugit tititaujarlutiglu ilihaqtut tamaita atauhirmik atuqpagaat ikummaqautit aimavingmingni, aturlugit titiraqhimajut titirarjuarvingmi.



# IHUAQHAIQATIGILUGU IKUMMAQAUTINIK LUUSI!

## ILIHAUTIP TAKUURUTAA

Uvani hulilukaarunmi ilihaqtut atuqtaaqtaait iglugiiktuutitik imaa kangiqhijuummirniahutik kituujut ikummaqautit nakuunngittut avatiptingnut hilami kitullu ikummaqautit nakuutqijaujut Nunarjuamut.



## HULILUKAAQTINNAGIT

Una hulilukaarut aturlugu uqarihuiruffigit nautqiktaaqut ukualu nautqilimaittut ikummaqautit ikajurlugit ilidjuumigiangita ilihaqtut ilihagtamingnik. Taiguagakhami *Luusip Ajuiqtaa*, paqittitaaqtutit tamangnik aallatqiit ikummaqautit.

## QANURILIURUTIT

1. Qaritaujamit piligu titirangurlugulu Ihuaqharlugit Ikummaqautit ikajurlugu Luusi hulilukaarutit titiraq uvannga arvaaq.com-mit. Aadjiliurlugit naamalugit ilihagtunut.
2. Ilihimalugit ilihagtut pittaaqtait ivitaarutaujkhaujut, ukua ivitaat, ungalait titirautit ukualuunniit titirautit ivitaaqaqtut ukualu nipitirutit kivjautiniglu.

3. Ilihaqtut ivitaaqtillugit pinniqlharlugit ikummaqautit piannanguat.
4. Ivitaaruirumik, kivjaqulugit ilihagtut kikkariktut ihuaqtumik. Ikajurlugit ikajuqtiqariaqaqtut.
5. Takuuqulugit ilihagtut ikummaqautitik piannanguatik ihumaliuqulugit kitut ittukhat uvani "Nunarjuamut Nakuujut Atugakhat" titirarvianut imaalu kitullu ittukhat uvani "Nunarjuamut Nakuulluanguit Atugakhat" titirarvianut
6. Tuglirmik, ilihagtut nipitiriniaqtut ikummaqautit piannanguat ihuaqtumut titirarvingnut. Ikajurlugit ikajuqtiqariaqaqtut.
7. Pihuglutit ilihavingni ikajurlugit ilihagtut ikajuqtiqariaqaqtut. Una aturlugu naunaiqhajaarni nutaqqanik kangiqhijunik imaalu ikajurlugit ihuaqtumut kiudjutaanut.

## EXTENSION

Hulilukaaruiruvit, ihumaliurlutit havagiarni ilvit pikharnik hulilukaarunmit tamainnut ilihagtunut takujakhaanik takhijuumiutigilugu una ajuiqtamingnik atuqhimajamingnik.

# KANGIQHIDJUTIT TAINIRNIK

## **Hilaqauhiata aallannguqtirnia**

Hilaqauhiata aallannguqtirnia imaa kangiqhinnaqtuq taimanimut aallangirnia Nunarjuami hilakktut idjuhiit uqquuningalu. Ublumi, hilaqauhiata aallannguqtirnia inungit hulidjutainit pivaktuq imaa ikualaaqtittiblutik uqhurjuakhanik, taapkua pujurluup publaa anialimairutibluni nunarjuap aniqhaarnaqautaani.

## **Ikummaqut**

Ikummaqut havaktaariami imaaluunniit aallanguqtitaigiama. Ikumapkaqpagaait hunaliqaak iglunik akhaluutiniglu ukununga uqautitautinik tigumianik. Aallatqiinit pivataujuq, ukuallu uqhurjuakhanit, hiqinirmit, anurimit imarmillu.

## **Uqhurjuakhaq**

Uqhurjuakhat nalvaaqtautaaqtut Nunarjuami ukuatut, paukhanit, kaasiliinit, nauhimajut taimaniraaluk nauhimajuvinirnit huradjanillu tuquhimajut taimanirjuaraaluk. Ikualaaqtittibluni uqhurjuakhanik ikummaqutaujuq, kihimi pujurluup publaliuqrutaujut hilaqauhiataanik aallannguqtirutaublutik.

## **Nunarjuap uunnakpallianinga**

Kajumiittumik, uunnakpalliabluni Nunarjuap hilaa tarjualu qaffini aniruqtuni ukiuni. Taimaa hila qaajurnaqhivakhuni aallanut hilanut aulabluni, uunarniraluanga uunnagjuumivalliajuq.

## **Pujurluup publaa**

Pujurluup publaa aniaqtilimaiqhugu uunarniq Nunarjuamit aniqhaangnaqaataa, aadjikkutatut qanuq pujurluup aniaqtilimaiqhugu uunarniq nauttiat uqqumagiangita. Ilangit pujurluup publaa naammaktut imaalu ikpingnaqhutik kihimi ikualaaqtittugu uqhurjuakhat pujuuqpallaaqtittugit pujurluup publait. Imaa aulajugut nunarjuap uunnakpallianinganut imaalu hilaqauhiata aallannguqpallianianut.

## **Hiqinikkut ikummaqutit**

Hiqinikkut ikummaqutit ajurnaidjutaa piblogu hiqinnaaarniq ikumautauvagianat. Halumajuq ikummaqutaut ikajuutaujuq mikhijuumiriangat aturnia uqhurjuakhanik imaalu aniarpkainiq pujurluup publaanik nunarjuap aniqhaangnaqautaanut.